

尚

綱

堂

集

尚絅堂詩集卷二十四

陽湖 劉嗣綰 醇甫

中江集上

丙辰丁巳無詩
戊午

乙卯冬奉諱里門等以故人之招就食江右丁巳夏
留中江季冬歸里戊午春仲仍赴舊約遷流多恨憂
患尠歡身世悄焉安能無述

悼藤

余家園大樹八九株向有古藤一本盤繞其上濃
陰蔽空今春歸園樹半彫藤已全萎平泉花木之
感梓澤邱墟之悲不是過也因賦詩悼之

青藤緣喬柯萬古一天矯託根欣得所垂蔭被蘿蒿異體

同一心交枝各縈抱風雲互盤鬱閱世謂可保一朝本先
撥縱斧日尋討寸根重如山盤石忽已倒天心無故榮地
脉有終槁撫樹三太息華滋令人老

傷橘

余於所居室植橘一株十數載於茲矣去冬風雪
交橫橘以立槁豈託根失所遂不復永其天年邪
庾蘭成之賦枯樹廬照隣之嘆病梨是可傷已

秋橘何離離培根十年久主人日勤護用結歲寒友傲彼
包山奴樂此商嶺叟本無化枳心踰淮亦何有豈知望秋
姿不異蒲與柳半死桐忽焦叢生桂爲朽傷哉同氣物各
自感其偶載頌屈子篇孤懷復誰剖

出郭

采采流波澹澹春望中鄉樹記前塵繫船正好輕黃柳上
塚偏多慘綠人戀別情懷疑病酒倦遊身世笑勞薪湖山
信美常如客野店平橋獨愴神

汎舟白雲渡作短歌

十年不上雲溪舟尋春偶作雲溪遊東風吹人出溪口溪
上舟人忽招手相逢不記舟人家笑向門前數楊柳昔年
柳無三尺長東風正穉如我狂今來絮飛滿溪雪我亦狂
蹤不堪憶趙家閣前春水生蔣家樓上春雲橫春雲裁衫
好顏色溪邊女兒舊相識溪邊人替樓上愁天半闌干憑
不得闌干雨絲細若塵明日花前無故春不獨花枝非故

春看花人亦非春人春人只與春爭老不信明年春尚好
歸來遲我十年多舟人頭白奈爾何

展楊笠湖師墓

兩代師門在今來拜墓旁元經楊子塚絕學鄭公鄉有淚
沾春草無言臥夕陽年時絲竹地寂寞掩華堂

別家詩

昔年母別兒別淚傾不已今年母別兒母淚且枯矣殷殷
屬童僕惻惻顧行李牽衣但嗚咽苦語亦無幾恐傷遊子
情端緒不復理歸時一愁并去日百憂起兒身猶在門親
心已萬里

束髮就家塾典質延名師業荒不自力砥礪母則治昨從

遠遊歸母致勸慰詞兒年行四十門戶未克持累母終日
勤母乃不責兒母不忍兒責兒罪當自咎身在芒刺端心
集棘木枝

吾弟僅兩人一命共相藉如何二豎患抱病歷冬夏仲弟
學方富季弟曰尤暇庶幾各努力策此得時駕俾兄歸奉
母常得在廬舍田園雖已蕪敢薄圃與稼阿兄畱別語欲
別不能罷明發江上船孤鐙耿長夜

癡兒昔送我學走方循牆別兒不數載兒已如我長阿母
呼我前汝兒勤課將汝兒不成立謂汝無義方我聞阿母
言惻然迫中腸長跪白阿母兒未遂顯揚兒亦不願顯兒
亦不願揚兒願如癡兒常侍阿母旁

老僕三四人追隨及童州我時性玩暢往往成習慣僕也
補我過警我到婚宦僕言猶在耳思之背流汗十載我出
遊僕死良可歎老者長已矣少者各星散家門此凋落人
事復憂患忽聞舟子催哽咽中夜飯

離郡不十里破屋青山偏丙舍未及置慘絕虛幃前悲風
動遠郊寒日薄荒田慈烏如戀人飛下青松巔東隣二三
子上冢遙相連而我痛孤露饑驅復江天回頭別城郭淚
湧如流泉傷哉歐陽子目斷瀧厓阡

舟中寒食

蓬牕病酒不成眠隔岸人家盡禁烟江上春陰孤店外客
中寒食百花前長亭最是銷魂地短檣難爲望遠天我笑

東風太無賴
柳枝桃葉要誰憐

夜泊高淳

潑墨山圖暈幾重
白雲如絮擁孤峰
分明石臼湖邊路
水碓無人夜自舂

抵蕪湖

船頭盡日雨催詩
幾許閒愁付柳枝
剪得半江風色好
四山如畫到鳩茲
湖鄉別酒不曾醒
又上浮槎作客星
一線長江天際綠
有人指點識舟亭

江亭

去歲買歸舟
天寒斷江渡
茲來春水長
不辨歸時路
遠綠

上湖亭新烟在江樹迢迢芳草色偶憶前遊處餘情綿古
歡卽事憬清悟舊雨今又來京琴夜誰佇

嶋磯靈澤夫人廟

一死更無地潮聲終古吞靈嶋空飲血杜宇未歸魂君國
生前別江天戰後昏夫人留廟號正統到今尊

嵇侍中祠

湖陰奇氣接空濛古廟靈趨晉侍中衣上血痕連土碧旗
邊日影背山紅雞羣獨立非凡骨龍性難馴有父風只恐
英魂留不住雲車飈馬駕長虹

畫感示季馴兼寄叔魯

王粲登樓興易違蕭條客館見伊威十年故舊悲零雨千

里闕城感落暉煮豆然其應有泣摘瓜抱蔓已無歸分明
惶恐灘頭立萬頃波中一葉危

鴻爪東西跡渺茫眼前容易小滄桑浮雲世界原知幻逝
水年華太覺忙舊夢重尋須借枕殘碁未斂要收場此生
可使無歸著盡日安排入醉鄉

郊外晚歸

不知斜日下祇覺荒烟積寒鴉飛不高漸逐青燐滅

扇頭寫百花洲景題一絕

東湖烟水似西湖一曲長隄也姓蘓不是畫中閒點筆垂

楊何地著栖烏

時作公廨隄柳幾無存者

寄吳白庵並題其聽雨齋集

寒江別後夢閒閒惆悵扁舟此往還對榻曾聽連夜雨尋
詩更看一年山微官况味君將老薄俗才名我欲刪茆屋
數椽田二頃如何緣分到今墜

芒屨布襪共栖遲真性都歸一卷詩風月清才餘子在江

湖酒味幾人知聽哥緩緩尋桃葉讀盡蕭蕭唱竹枝最是

楞伽山色好耦畊何日慰相思

君有卜居楞伽之意

江城雜感簡季馴並送少峰北上

雨絲飄恨各西東重向天涯唱惱公夙約尙尋鷗鷺渚浮
生眞付馬牛風將離置酒仍江上未老看花忽霧中一雲
南雲都濕遍背彈清淚與征鴻

東華舊侶意如何策馬江頭復此過行處任留雙爪在別

來驚見二毛多西園軒蓋飛華月南浦簾櫳捲綠波憾得
風懷除得恨笛床禪榻儘消磨

東風也學酒人狂十日扁舟住墊塘劫後飛花春夢短愁
邊芳草客程長可憐身世隨南郭未忘田園爲北堂何日
綠蓑苔樣好五湖真個辦歸裝

題滕王閣送別圖卷

滕王閣中送客歸滕王閣下雪沾衣雪花一夜過江去都
作滕王蛺蝶飛

西山相對一帆開我亦曾從畫裏回醉拍闌干看飛鳥古
來風送幾人來

再寄吳白庵大庾

昔年交白庵白庵豪士流去年晤白庵豪士將白頭舊交
故多感况復情好投茲土亦信美出門成勝遊陶塘有餘
綠日日酒拍浮眼底小五嶽胸中大九州

白庵好畫竹品乃與竹肖稜稜青幾竿落落自寫炤秋心
疎欲脫風骨老逾峭亦知節目麤所貴洞其竅竹中史固
工畫中詩亦妙屈作鸞鳳音天風劃清歎

君詩師釋石謂非章句儒一編手丹黃存液乃削膚挑燈
共君讀再讀再嘆吁不讀目則盲讀之淚欲枯言中有真
性此豈能強誣僞笑而佯哀優也非吾徒

君性素兀傲薄俗罕與隣衆皆謂君狂積毀鑠一身奔走
徧天下巾履亦已塵同在相識中君獨於我親豈惟氣類

感賦命亦復均君喜毋或蕩君怒毋或嗔願君慎哀樂完
淳以葆真

君言魯習之高文發淳旨君言張鶴舫詩格追正始我交
西江彥愧未識二子不隨今人肩終與古人齒男兒貴自
立波靡良所恥狂狷可置身相期吾與爾

有花懷姑蘇有月懷揚州相思罕命駕君獨翩然遊遊倦
輒復歸卒歲弗肯留爲語子山子曷不返故邱無兒無弟
兄誰慰母白頭我亦遊子身子職弗克脩骨月百年耳傷
哉常道周

學博仕非仕仕亦學相長君今之官去所貴恃源往博禮
先約文其道豈不廣詠誦得真趣可以被里黨大庾風俗

淳請勿歎瘠壤嶺上千樹梅思君託清賞

卷石山房牡丹盛開花下小飲

樓臺影裏幻坡陀忍見年光付刹那千古繁華亭北盡一
春風雨客中多花如落魄同彈淚鳥不知名自學譚還要
商量婪尾醉枝葉葉共婆娑

江頭見桃花

江頭不見舊青驄忽放桃花入眼中却怪近來人面冷東
風吹上一分紅

春來那不要妍華半是輕烟半是霞今日劉郎饒自在別
人栽樹我看花

讀蔣心餘先生忠雅堂集

藏園一卷企宗風曾拜先生半畝官插架書還堆斷簡當
庭樹已老孤桐眼中溝壑餘吾輩身後邱山感寓公趙壹
袁絲

謂隨園顯北雨先生

俱老去誰攜長笛叫秋空

寄樂蓮裳粵中

樂生昔入燕匹馬長安街盛氣凌王侯高譎絕朋儕鸞鳳
劃長嘯風雲宕奇懷自謂作賦手許擲金鑾階上書屢不
用時命君偏乖飄然遂拂衣數載浮江淮西湖繫客舫東
閣開官齋秦樓一齊贅楚館千吳娃自解子雲嘲兼雜東
方諧一編寓言耳耳食公然佳君詩更清麗不與時人偕
下聽鼓吹聲一一華林蛙泥中瘞古鏡井底淹遺釵韜彩
俟真識何當久沈埋前年遇章門倦眼因君揩言將挂席

去百粵天之涯桂海眩日月榕天蔽風壘君持采風筆處
處調謠皆蠻音及邨樂亦得希皇媧詞章戒浮靡風雅除
淫哇期君辨源流力與江河排搜真入瑤島采異窮珠厓
遠遊一黃冠躋勝雙青鞵今宵夢君處尙恐途三义君攀
梅嶺梅我枕槐安槐

題黃石齋尺牘

血淚模糊盡孤臣此劫灰文章留正氣軍旅惜斯才瘴海
歸無地冰山勢可哀平生精易學字裡尙風雷

送倪米樓之楚中

我昔訪君湖上櫂今君訪我江上船如兩黃鵠飛四海下
視但覺心茫然適來于湖作小住開軒日對湖波圓我心

定中定君語元中元我遊仙去君逃禪
風花過眼誰先捐知君不作破浪想片帆
何事江亭懸君將飛渡三湘邊三湘多竹
多蘭茝江烟嫋嫋波娟娟雲中慘淡來嬋媛
鷓鴣連天行不得哭聲直接西川鵑萬馬欲
下瞿塘前九疑相望彌連綿津梁斷絕無人烟
烽火夜燭愁深淵夢魂驚墮定何處顛倒恐
有蛟龍纏問君此行何時旋君家舊住西湖
天西谿梅數株西山屋數椽出山更有結廬境
富春短檣相沿緣子陵臺前一杯水人間未必
無廉泉君今往矣早迴顧高山流水此曲吾能傳

君有高山流水圖

中江五日

漫隨競渡出江城西舫東船爲送迎水上樓臺無定影天

中絲管是離聲江湖老大已如此兒女青紅空復情蒲艾
欲從何處折離騷一卷可憐生

得楚中諸故人書

一封書到幾明駝對此重聽出塞謠髀肉喜聞君健在頭

顚真愧我蹉跎故人近有還轍客昨得雅存先生旋里信壯士方橫

躍馬戈莫更襄陽問耆舊羊公涕淚滿山河

武溪曲裏想南征萬里炎天此遠行慷慨正當堅氣骨艱
危何以蒼昇平窮年未忘餘師友戰地難期是死生一紙
封題萬行淚捷書早晚達神京

尚絅堂詩集卷二十四終

尙綱堂詩集卷二十五

陽湖 劉嗣綰 醇甫

中江集下

戊午

夏日雜詩

長槎泛河去巨瓠浮江來
隨波信所託安望狂瀾迴
我生苦無成置身材不材
蕭然閉塵室亦足娛我裛
夜吟達曙寒午夢朝蓬萊
神仙自遊戲那顧肉眼咍
幡然樂嘉遯卽此湖山隈

爰景未終伏地曠先已秋
芭蕉綠幾叢雨過葉自抽
當庭日晏坐竹影同修修
旁有清泠泉終朝汲其流
靜時機自息動處心亦休
相看鹿盧轉悟此天運周

尋螢尾餘光捕蟬躡殘聲聲光不自晦誰能保其生至人
貴無爲達士尙無名所願守淡泊資氣聊以清鷦鷯一枝
借與世常無爭雌雉在山梁奚爲炫文明

結友二三輩駕言出于湖湖陰正蒙密樹樹呼提壺相持
秋竹竿學作釣者徒釣亦不在得得亦不在沽興倦且歸
耳吾歸謂可夫

立秋日寄懷里中諸子

金風吹散小牕溫客館無聊思易昏一自別來惟病酒那
能秋到不銷魂短檠况味嫌身世長枕心情感弟昆冷炙
殘羹應悔未十年潦倒幾侯門

湖上晚步

湖水連天綠上樓湖亭惆悵憶清遊
踏青過了無多日辨

得青鞵又蹋秋

燕湖士人以秋日出游爲蹋秋

山房雲磬不分層我亦飄然出世僧
閒立上方看下界滿

湖心裏綠荷燈

是夕孟蘭會甚盛

聞張少安訃

貧賤論知已平生誼最堅江湖餘病骨
烽火殉窮年偕隱虛吳市招魂竟楚天
尊君惟有夢萬一到重泉

中元夜陶塘歸作

萬點河燈夜出遊繁星碎月滿荒洲
人天不隔三千界佛鬼平分一半秋
碧樹連宵傳古曲紅牆特地送新愁
嚴城不設金吾禁多事鷄人促曉籌

邱養愚武夷歸權圖卷

惶恐灘高正急流武夷一權獨回頭畫師冷盡旁觀眼不
寫人家破浪舟

七月二十二日看鐙

今夕是何夕跼鐙逢故人鐙光堪補月人意欲勝春風土
他鄉社笙調幾處隣誰憐歸夢遠漁火落江濱

讀仲則遺稿有感

黃墟久矣渺山河把卷重來對酒歌終夜照君顏色在此
中添我淚痕多才如太白天原忘情到琅邪死奈何今日
詩魂堪慰藉一編留得在巖阿

秋日出小西湖

十日秋無五日晴滿湖烟翠不知名暮霞冷淡朝霞暝可
是湖天亦世情

立盡長隄起暮烟幾株疎柳挂門前恰來馬遠圖中坐一

角西湖小有天

過馬山人
一角山房

菱波如鏡隔湖看柱煞湖邊結屋寬一面是山三面水不
曾商畧到闌干

三昧庵前徧水鄉水田幅幅是衣裳無端搖動故園思一
簇蓼花紅夕陽

長隄一帶似斜川雲白煙青處處蟬解得雲烟無字處也
宜詩畫也宜禪

醉後題東洞庭山房

湖亭酒散不聞譚獨倚闌干聽夕波雙屐過橋投夜市一
鐙隔水似秋河門前暮雨闌珊甚世上西風料峭多欲寫
新詩寄桑苧不堪舊夢老烟蘿

一夜

一夜羈愁特地生殘鐙不語背窗明到來只當山中住四
壁秋蟲作雨聲

秋夜有感

江城十日廢登臨萬縷閒愁接古今堦下新苔知病況窗
前落葉感秋心夢來好夜連天遠情到中年比海深誰識
烏雛將母意幾番悽絕爲風林

齋中置盆菊百餘種極爛漫之勝日來風雨不止蕉

萃者十之六七矣

醉盡秋光是客中朝來莫放酒盃空青鞵滑滑自衝雨
袖蕭蕭誰卷風

黃金浪說鑄秋烟菊亦如人肯受憐不管寄誰籬下好朝
來風雨只高眠

晚憩赭山滴翠軒

涪翁讀書處滴翠滿軒楹江遠全浮樹山低半入城石幢
延月色雲磬下秋聲彷彿金焦寺漁鐘隔浦明

秋聲

落木遠無際愁心終古生破窗搖月浪虛枕上江聲初雁
起遙夜晚蛩支短更近來鄉夢苦不要太分明

聞秦端嵯先生訃

里中數世好往者稱張雷門廬軫相接少小親風裁鹿角
席橫經牛心座行杯謂我風骨異卓犖非凡材公方奉輜
軒珊瑚網中江開寄公聯句詩韓孟相喧豗雲泥漫追逐星
月紛裴裒粵歲癸及甲重晤春明隈論文獨穿楊聽講羣
趨槐謂當摩空賦擲上黃金臺置身十二閑羞殺圖龍媒
長鳴不識路仍向天衢回公時痛荆樹時他令兄滿諱葬園先生之戚歸葬
將循陔憂傷半骨月旋入膏肓灾南轅送公日腹內車輪
催去年一展病床足烟生煤豈知黃壚側日影今西頽因
公憶知己身世慚蒿萊天末莽回首風從四山來弇山與
倉山一一衰楊栽孤寒八百輩徧地顏如灰况復里門感

山邱有餘哀傷心廢絲竹雪涕銜尊壘舊時冠蓋巷冷落
填輕埃邀公結隣去來往荒烟堆不顧後死人目斷肝腸
摧招魂痛何極淚滴青莓苔

菱塘

占盡風光更月光天然水閣面菱塘菱波一葉一圓鏡照
見閣中人洗粧

秋夜集東洞庭山館

開中風月幾歡場碧幌銀屏夜未央一首詩題周小史
有歌者三條絃說蔡中郎青衫似葉添秋恨紅燭如花當
周月生晚粧七十二峰峰影遠又牽魂夢下滄浪

題吳詞山遺稿

樓遲誰與共論文手把遺詩悼此君身後方千慳一第望
中賈島祇孤墳湖山冷落銷奇氣風雅零星補舊聞他日
汪郎重繫棹斷琴彈入海天雲

余友汪子鑑白工
栗向與詞山唱和

過金葉山

半是頑仙半謫仙出城便擬到君邊綠楊門巷渾如畫自
賣丹青度小年

湖天幾輩結鷗盟老屋西頭住馬卿

謂馬山
人俊

隔着陂塘聽

荷葉兩家秋雨一家聲

題米樓楚中草

年少論詩格如君劇老成自能耽古調那不薄時名江漢
爭奇氣風騷入變聲余懷久蕭散展卷爲縱橫

中秋前二日湖陰晚眺

湖隄十日五留連
小舄孤筇立暮烟
江上遠鷗天際鷺
幾人著眼到秋邊
數盡遊魚莫下鈎
得空明處看圓漚
露珠走上風荷葉
不到傾時不肯休
上方清磬出雲時
蕩得秋懷賸幾絲
月出太遲歸太早
人天可是有參差

野望

燒痕紅不了
都作斷霞流
野水自成渡
亂峰爭入樓
烏啼孤角晚
雁叫一繩秋
莫唱湖陰曲
神燈夜出遊

送米樓歸杭州

江帆都向日邊開
勸爾離亭盡一杯
伏櫪馬從閒處老
驚弦鴻入望中哀
銷磨書卷無奇策
潑倒風塵要此才
他日歸裝須早辦
我遊五岳待君來

觀姚公綬蔬菜卷

吾家舊蔣逕門在蓬蒿中
忽此展橫卷曠然思素風
爛柯白石子抱甕青城翁
何必太常禁水齋如許同
判斷人間事田園地位尊
四時皆綠野終古一青門
閱世此飢色爲儒須道根
留將閒况味老圃與評論

篋中偶撿揚西和丈前歲見贈之作
卽和其韻奉寄
並示季馴

江城一別判征袍
天際愁心日夕勞
誰識劉安招隱士
忽

思揚子反離騷明星近水寒芒大落木當窗急響高夜半
霜花飛不定鐙前自拭鵞鴒刀

白雲嶺畔太遲遲別後江南幾夢思桐樹心空生井日梅
花骨冷出山時銷沈風月深盃在瘦落關河斷角知今日

海天烽火裏照君馬上獨吟詩

時西和丈令粵西馳驛之官

春明舊侶憶周旋十丈塵中盡著鞭過眼功名愁看鏡到
頭事業笑凌煙星辰落落誰千古風雨寥寥又十年君已
無家吾作客等閒容易對床眠

入洛遊梁逝水流幾年懸榻更南州逢人尙說千間厦老
我空思百尺樓銀燭留髡圍楚鳥玉鞭送客解吳鉤登高
不作閑惆悵萬里長天寄卧遊

江城雜感用前韻

江湖唱遍鬱輪袍書劍頻年亦太勞
暮雨長檠空寂寞西風短髯劇蕭騷
世途失意羊腸險客路驚心馬骨高
我欲從戎便投筆故人誰贈呂虔刀

人海茫茫喚渡遲十年枉負水雲思
蓬心但有隨風日桃梗真無到岸時
零落碁枰仙叟笑龍鍾舞袖郭郎知
東籬耐得深秋到自和淵明飲酒詩

夢繞吳門昔昔旋柳堤一路好垂鞭
閒吟江上三分月笑看囊中九點烟
紅燭接天搖短夜綠雲如水送華年
眼前盡是邯鄲道借枕從他半晌眠

此生何敢託清流豪興真空大九州
醉捲酒波傾白社狂

摘調板上青樓飄零身世餘長鋏汗漫心情付直鉤明發
離人又催別橋霜店月是前遊

書感

如此殘年景天涯客未還午橋莊上宅丙舍墓旁山老母
持家苦癡兒失學頑勞勞亭下路歸夢亦閒關

留別歸雲草堂

離筵無歡容銀燭光不輝清歌既宛轉妙舞亦蕤蕤竹聲
一以破琴瑟滿堂悲主人送我出門外霜風吹倦馬足易
疲倦客身易衰風塵令人老僕僕將何爲

晨雞何膠膠僞言出廣陌還家不數程忽復怨行役風鐙
荒驛紅霜草古原白回頭顧我僕使我心惻惻仰看雲出

岫俯鑒車下澤嗟嗟道路難何獨遠行客

歸程雜詩

遊倦空憐歲暮身江城無處覓通津只看楚尾吳頭路都是南轅北轍人

堠兵吹角暮江東太白樓前憶謝公今日青山應笑我風襟雪帽夕陽中

東華夢影在鞭梢何苦肩輿尙未拋笑約楓人扶醉去半

村紅葉斷山

地名

聽盡村謳是牧童田家無事只編蓬茆亭縛得低低好一帶高樓正畏風

過了山隈過水隈柴門恠底水邊開漁灣十里都安柵也

與中流作柱來

茅店雞聲唱曉寒天明時節最漫漫車行不要貪輕便滑
路危橋仔細看

被酒風前思易昏雲烟底處不銷魂年來怕到登臨地策
蹇匆匆過白門

梁溪詩家歌爲賈文學松作兼哭響泉先生

梁溪詩祖東漢代一千餘家二千載辟疆園後繼者公選
樓獨暢詩宗風搜羅一編歷年月我亦從旁補公闕編成
不使舊稿遺聞築瓦棺俾貯之九龍青青如九壠謝家山
前鮑家冢詩魂古今同一邱松栢邪燐出遊公也作詩
弔詩客誰識公心侍公側賈生襤被起歎嗟乞詩遍走天

之涯賈生出門我公喜賈生歸時公已矣嗚呼公亦冢中
人賈生痛哭將誰陳

聞王秋塍訃

潁川書到淚如絲天際重吟感舊詩吳會人歸無鶴弔梁
園客散有鴉知餘生怕展尙書墓謂弁山先生後死空題大令
碑今日悲風眞四起隔江隣笛不堪吹

尙綱堂詩集卷二十五終

尚絅堂詩集卷二十六

陽湖 劉嗣綰 醇甫

勞歌集 已未

已未春公車厯碌余以二月初旬始偕稚存洪太史
東裝就道馬頭風雪山路崎嶇斯勞者之歌乎

正月十三夜小西湖蹋月歸留別中江諸子

那不春城要黯然朝來風色在吳船客心真似剪刀碎春
夢不如簫鼓圓

小坐西湖夜色寒綵雲飛上玉闌干重來未必東風在手
把楊枝不忍看

將渡黃河飲村店

野店一壺酒江南盡此橋沙爭危石亂水挾斷冰驕倦馬
間窺渡歸鴉晚趁潮青青幾株柳隔岸有人招

夜渡沂河

波光倒流月漉漉駢車夜走沂河曲河兵僵立喚不前水
骨稜稜沒雙足一人手掣兩口騾騾夫登車催渡河河流
曲折已天曙車上照見霜痕多春風昨發黃河岸屈指春
來春忽半袂除先借十日期恨不茲遊及童冠路人聽說
迎社公前村打鼓聲鑿鑿搖鞭笑指降神處馬頭雲氣來
東蒙

旅次遇吳山尊

濁酒不成醉逢君一笑親須眉留古雪肝膽向青春老馬

尙前路荒鷄空四隣夜來休說劍驚落舊星辰

山行三首呈稚存丈

雙雙隻隻亭堠催十十五五輪蹄來車輪盤旋馬蹄響兀
坐看山興孤往入山出山終日間山人笑我不得閑山人
但笑莫輕顧多少山人出山悞

長空雲氣何連綿峯峯裊作香爐烟鞭梢一絲青不了客
夢千山萬山繞山山有夢不得歸却倚古樹看斜暉樹旁
過客日八九青眼何曾到楊柳

山田一頃雲一層水色綠透高低塍人家不辨水表裏日
暮村村笛聲起笛聲過處生晚涼牧童太閒我太忙下車
無言顧我僕我欲從之抱黃犢

山店晚步

驛樓明遠火一半在峯腰不識三义路來尋獨木橋詩懷
憑月瀉酒氣逼星搖山鬼如相遇同來賦大招

塗次讀 上皇遺詔感賦

詔下蒼生涕淚多 橋陵風雪滿山河悲號盡欲攀龍去
俯讀爭看下馬過率土尙傳周薄伐普天重聽 舜謳歌
小儒愧乏匡時策曾見羣公起澗阿

羊流店遇雪

車聲碾破亂山隈山下柴門晝不開我是羊公舊時鶴滿
身風雪忽飛來

新泰道中大雷後遇大雪登岱之興不復果矣

泰山峯頭一雲起阿香隆隆走百里漫空催散六出花曉
來誤我遊山車山山迷望雪不斷一白銀河四無岸天公
知我好壯遊學得峨眉出天半青天可問雲可呼東遊此
景人間無佇攜粉本入橫卷他年壓倒金箱圖

二月十九日雪中望泰山作

登車夢雲海飄忽如飛來劃然天東門驚絕排空開積氣
塞寰宇虛風扇輪迴天地入腹中萬象俱胚胎人言日出
時吞吐窮九垓得毋此天根其下扶桑栽我來值積雪肅
若陰山隈真形待朝霽湧出金銀臺咄哉秦始皇廼欲求
蓬萊

青帝何巍巍坐此明堂基廓然處平曠羣嶽皆爲低嶽濱

有定位秩與公侯齊茲山鎮其東萬水不敢西雲氣蜿蜒
來一絲如白蜺空中出復沒到海無端倪百年我來遊定
卜何峯栖神光忽離合預恐今生迷

名山肅祀典于古一岱宗七十有二家與茲相始終上
皇翠華至五度登登封云云與亭亭煝若羣靈從一朝鼎
湖去水立愁蛟龍萬怪不敢吐空際收奇峰山靈有餘哀
慘淡天爲容駟車不忍駐淚洒秦時松

昨宵望茲峰雷雨走山背千林雜陰翳萬壑闕幽晦魑魅
無遁形一一狀堪繪山人盡惶惑咫尺迷向背陰陽變昏
曉茲事與天會方知名山權威力弗旁逮橫空一駟埽屏
絕諸障礙千尋雪壁立虛白湛然對清光浮遠天俯見河

如帶請看日觀峯亭亭出空外

雪後憇禹王廟

碑陰鎖斷古苔春
岫嶼應輸面目真
下界一峯峯積雪
不知峯頂有紅輪

崗山驛

落日澹鞭影
駢車登古岡
崩雲萬山馬
亂石一川羊
詩鍊得仙骨
酒澆無俗腸
齊州煙幾點
終古接蒼茫

雪霽

陰崕鎮日轉晴雷
積雪銷時夕照開
瘦壁馬扶人影上
叢祠鳥雜梵聲來
斷除烟火非凡骨
驅使雲山要別才
五嶽未經身一到
夢魂夜夜住蓬萊

復雪

片雪大於席飄飄車蓋前馬蹄尋禹跡鶴語記堯年冷酒
難謀醉孤村况斷烟朝來雲樹色已是薊門鞭

左仲甫丈屬題葛嶺葛廬圖

悲風動庭樹感此中夜烏朝聞剝啄聲捧到葛嶺圖先生
向我言中有先人廬茲廬在蓬蒿請述廬墓初粵昔歲已
丑先人遊聖湖其時方養疴遂眷山水區擇地表生壙上
有松兩株風林一朝痛歸骨卽此都那立三尺碑愴甚五
父衢其後遭母喪重以家累逋一身迫艱危奔走楚蜀途
有兄官咸平弟遊與之俱越歲兄早世門戶日益孤癸丑
第春官一官皖江隅六七載於茲不得過故墟松楸未盈

尺彌望皆榛蕪誓當蚤歸耕盡室傍墓居有屋可十楹中
可讀父書斯圖懸影堂往往心目瞿我昨皖江來先生茲
下車官聲在人口我亦非敢諛但得吏治良卽是子職勗
麥秀歌滿郊勝奠飮一盃嗟我亦鮮民饑來終歲駐何時
表隴岡日月忽已除迢迢望南雲起爲立踟躕懷哉左思
志招隱夫何如

重晤陳澧塘卽題其憶園詩後

當代陳無已蕭然也白頭高吟動官閣餘韻滿滄洲絲竹
中年感風花一晌愁故園歸未得同憶卷中秋

法時帆先生屬和續西涯雜詠

一水積城西人家水光裏時有風雨來龍吟古潭底

積水潭

春流帶烟堤曲折匯諸派一雨綠到門槐陰自成蓋匯通祠十刹
長安萬人海茲海名十刹過盡風中花茫茫誰說法淨業海
天宇淨如沐蕩此湖空明我來唾湖上會有青蓮生李公湖
但聞李公橋不識李公宅獨立咏公詩橋心秋月白橋李公
人行松樹中人語松樹外上有松花禽春寒落奇毳松樹街
萬竹何脩脩一徑入深宇欲斂慈悲因風鈴殿西語慈因禪院
我坐鰕菜亭夢作五湖長只少漁弟兄移家此來往鰕菜亭
欲看寺門花須證寺門果一塢是諸天星星寒佛火慧果寺
繞屋都是田僧衣望中挂幾個世外僧閑邀水天話庵豐泰
橋影界波曲一波一清心涼殺白鷺鷥不許烟外尋清心橋
先生有詩龕我是詩弟子寄語白樂天龕燈不會止詩龕

春盡日同米樓晚憩崇效寺花下

開春車馬如雲屯城西走破青鞵痕夕陽一角漏林隙
棗花寺底敲禪門舊名棗花寺僧雛兩三揖客入怪石旁立如人
蹲花枝夾道列成隊便似錦幄圍天孫心空已無剪綵思
鼻妙幸有聞香根得安身法但趺坐片席藉到蒼苔溫花
風吹人出人海一夢飛入江南村驚回忽被海棠怨飄落
非復東君魂紛紅駭綠救不得上有百鳥聲爲吞背花三
嘆別花去殿頭鈴語催黃昏

重過石庵先生藤花書屋兼懷信芳學士

尋春何地好裴裏第宅如雲各自開門外輒紅爭挿脚幾
人閑蹋落花來

退朝便擬擁書城宰相門庭似水清預屬青藤好料理秋
來落子和碁聲

元都舊事說劉郎不道重來事渺茫尋到古藤陰下夢廿
年三度小滄桑

先君子及古三叔父昔年皆曾館此

張船山移居賦此貽之

春別春明去移家興未闌佳原隨地好歸比上天難借樹
窻都綠留雲枕亦寒君家雞犬在可識舊劉安
便作還鄉看圖開說滾西囊無一錢在書有五車攜減酒
分佳客添香伴病妻未須身約束蓬島向來栖
野步已成癖經年不置車畧參禪况味小隱盡生涯醉日
閑分竹清宵補看花愛君詩格好懶散不名家

金青儕屬題雪意圖

伊墨卿爲青儕寫悼亡意

紙閣雲窗空所思
爐烟吹去不多時
閨中賸有粧臺在
唱殺東風柳絮詞

和月和風說可憐
枉拋心力付金荃
一鐙夜夜膏腸去
還是園亭小雪天

飲那繹堂先生齋卽呈

五年懸榻地來作夢遊
看樹已移溫室門
猶似冷官茶香應勝酒
藥味當加餐一語勞公記
書生骨耐寒
燕寢蕭閒甚清遊
暫此中詩教吟水部事
不啟山公護惜
梳翎鶴追尋
踏雪鴻被他桃李樹
門外笑春風

孫平叔見贈黎二樵詩集卽題其後兼會平叔

黎東人

名簡

五百四峯頂峯峯詩擅名才高粵三子品重魯諸生湖海
銷來氣風騷變後聲何時約孫楚重主酒樓盟

吳香竹以青儕畫蘭幅索題

柳條不放東風轉一路鞭絲去何遠金生贈別爲吳儂手
剪瀟湘入橫卷卷中畫骨兼畫神秋蘭瘦盡難爲春寸根
不使著塵土二子亦是支離人天涯今日醉須倒蕉萃靈
均此終老菖蒲入座艾當門眼見幽蘭不如草江頭離合
非好風鄉心歷亂到歸鴻朝來啼露無人識六曲屏山黯
淡中

答香竹米樓贈別

破帽殘衫路易窮馬蹄未要識西東
幾人京洛能知子如此風花太惱公
腰到折來憐穉柳尾經焦盡見孤桐
與君商畧閑身世只辦西溪一釣蓬

周介夫將返楚南索詩贈別

盡日郵亭問酒旗天涯各自數歸期
送君直到君山下江水聲聲古別離

諸公走馬盡蘭臺門外珊珊鞭日幾
回情盡橋邊才盡客臨行持底贈君來

下津門

津門天上似放溜一舟輕要穩中流
坐翻愁下水行岸沙崩獸跡灘石亂
人聲欲醉丁沽酒荒亭共老兵

舟中見蓼花

歸舟送盡柳毵毵紅蓼朝來映碧潭
舵尾數枝搖不了水窗夢已到江南

過東昌

天入青齊好征颿四面開湖通微子國
雲卷魯連臺水鳥夢偏遠風蟬聲易哀
鵲華秋色近髣髴逐船來

舟行口號

青青柳色上征衫烟唱輪他興不凡
路到三灣須轉柁風來一面莫開帆
吳儂也會唱新詞唱罷楊枝唱竹枝
繫纜不妨潮退後支窗終有月來時

曉行始見荷花示同舟諸子

驚絲顛倒著衣裳占盡田田認水鄉零落未曾經曉露離
披何事滿橫塘碧天累我頻回首白地從他一斷腸問訊
芙蓉湖上舸開紅幾日照新粧

曉次南旺

南旺煙波入夜橫不容流夢下歸程時以大水堤夾分
水處水多逆流長
淮水接秋千里短岬山銜月四更客思定知都慘淡鄉音
何苦太分明西風畫出勞人樣吹得衣裳似葉聲

見螢

共有飄零苦隨風到水涯憶秋如隔世流夢不歸家小劫
重依草幽輝尙戀花拾來相識否團扇記年華

七夕立秋黃河舟中作

身是人間不繫舟，飄然如葉也知秋。
三生碧漢曾攜石，一笑黃河此枕流。
兒女年年成老大，神仙夜夜有離愁。
金風吹冷天街水，多恐雙星會白頭。

通濟閣

枕底喧聞百轉雷，蛟龍有夢忽驚回。
自家性命輕如擲，却替旁人失色來。

渡淮感賦

清淮空說小心風，卷地驚濤落短篷。
生世不如希有鳥，出門真作可憐蟲。
柴桑有里家還在，陽羨無田路總窮。
四十頭顱愁照影，秋霜一夜滿青銅。

尚絅堂詩集卷二十六終

尚綱堂詩集卷二十七

陽湖 劉嗣綰 醇甫

獨浪集 已未

下第南歸關河獨浪合離生死悵悵兮余懷也

重過邗上呈曾賓谷都轉

九天吹下紫鸞簫似有人從鶴背招千里素秋橫碧漢二
分明月界紅橋籌量淮海才原熟管領湖山興不銷今日
輿情比江水廣陵迎得再來潮

時都轉入
覲回任

春明十載笑蹉跎如葉輕裝下玉河身世漫將書慰藉姓
名都與刺消磨關山綠鬢垂垂老驛路紅心冉冉過不是
蓬萊船不到天風容易唱迴波

理堂約小飲湖上歸舟走筆作此

酒人一別長安街舫船六月浮清淮清淮水清酒偏濁笑
語重逢曲江曲綠楊郭外烟濛濛赤日不午行當中五年
夢斷此湖景水精世界玻璃風亭臺十里坐成憶不見荷
花兒荷葉綠頭鴨是弄湖兒紅尾魚如撒波姿長橋一曲
烟絲橫欲斷不斷難爲情秋蟲如雨落空際水上便學離
絃聲多君逃禪不逃酒欲證禪須酒中友醉翁去後此堂
空七百年來記誰某蜀岡修竹行蕭蕭人生離合如風飄
兒童拍手過江說船頭已有焦僊招

春松太守招飲湖亭

西風吹客下桑乾聽盡濤聲耳尙寒重向官梅尋地主便

因觴斐到湖干烟中雁櫓如人語水上羊燈當月看翻對
江天成悵悵與君燭底話長安

清詞樂令潮風流

謂秦端
崖先生

涕淚無端洒故邱歌送小山辭

桂樹夢尋淮海到藤州青衫似葉君還識烏帽衝風我正
愁惆悵竹西烟月夜幾人騎鶴會清遊

悼羅山人兩峯

湖山好處忽停杯聽說羅舍已夜臺曾向生前知鬼趣哭
君先要問君來

君舊有鬼趣
圖題詠寂盛

剛是孟蘭作道場亂螢飛破古雷塘得歸便要揚州死何
苦頻年老異鄉

風流籀石詩皆畫跌宕蓬心吏亦僊更辦青鞵過江去亂

山風雨哭張顛

張玉川洽武進人畫宗麓臺居攝山三十餘年今夏卽世

雨夜

屋小似牽舟西風亂打頭客中鐙伴夜江上夢依秋斷杵
不離樹繁箏都在樓芭蕉心一卷愁殺寄書郵

聘鶴篇爲賓谷丈賦

題襟館蓄五鶴陳古華攜一雄去將歸作匹偶也同人爲賦聘

鶴篇

有鶴有鶴來青田主人養鶴鶴廼僊主人好吟鶴好舞鶴
與主人相爾汝朝來有客欸白雲出爲雌者求其羣主人
領之下鶴聘青鳥還將鶴書訂客前攜鶴別主人載鶴欲
訪孤山春孤山不孤鶴孤往夜半風亭忽清響風吹月墮
牆陰苔一鶴將去羣徘徊主人顧鶴鶴無語鶴意難忘故

山侶故山夢好各一林可憐鶴有將雛心將雛未敢戀雙
宿夜夜南飛過江曲

簡陳古華太守

永州守謂王遵心太守後識辰州分得湘江脚底流歸去純鱸無
老伴興來琴鶴共扁舟好風入夜衣裳熟明月當空枕簟
秋各有閒情消未得一杯飛上對山樓

走筆酬蔣蔣山

蔣山天人姿與鶴競標格飄然來揚州墮此秋月白秋月
下照平山堂題襟館裏西風涼君來主客一時笑脫帽都
成絕纓叫呼君上座君不前知君兩耳聾十年目手代口
成一編秋窗聽雨日日眠青鐙熒然對窗紙君時校經復

校史贈我新篇嚼宮徵有才如君我心死我今憐君實羨
君嘲君罵君君弗聞羣言鼓亂蛙衆口騰飛蚊市人一閑
雅鵲噪下士大笑蒼蠅聲不知世有煩惱障兩耳直是驅
愁兵高齋兀坐色如土活潑胸中自千古應將識字悔聰
明獨許忘言盟肺腑秋山叢桂開復開淮南雞犬何有哉
世間變幻等閒耳我亦長吟歸去來

留別穀人先生卽送其服闕北上

槐梧落新蔭桃李戀舊枝江城旬日留藉慰積歲思我昨
歸都門一見俾致詞惓惓僚好懷因之詢朝儀爲述貞觀
典兼誦元和詩夢遊閭闔天所感聖主知南窗縱云適
敢傲羲皇時及此贊太和春風豈能私物與我未忘邇可

遠在茲賤子荷噓拂亦得生華滋病木苦不春有負焦桐
期焦桐倘堪賞請復絃朱絲

邦江才英英海內集簪履賦傾洛陽市書購華陰里天和
入函丈地潔到軒几諸生聽講來名教學疊疊文章益世
用所戒在浮靡古來風雅事一一關政體公本華國才不
獨黼黻理絲綸佐 皇猷衣被胥託始賈董真儒臣皋夔
迺才子出處公寸心斯言意所擬願申驪歌懷濡毫感知
已

理堂石琴諸君飲余湖上得斷句

離心分與碧雲寒小約湖亭放艇寬十日不來秋水長綠
痕一半上闌干

烟江零落不勝秋
白鷺絲飛水盡頭
涼到一花紅退處
美人無數碧天愁

秋山舊雨病蒼苔
冷到天涯酒一杯
不是今年叢桂晚
是他招隱未歸來

斜暉盡處各依依
惜別人如落葉稀
胡蝶不知秋士恨
飛來還認舊春衣

寺樓眺罷柁樓眠
看盡垂楊郭外烟
笑殺到來貪跨鶴
吾家雞犬亦神僊

西風幾處棹歌腔
借得新涼枕水窗
料理明朝聽鴈去
搖枝烟櫓下空江

闌珊烟火近長街
船到迴鐙興轉佳
不要遊人便歸去
一

螢流下小秦淮

隣船何苦發嬌喉拋與珍珠不肯收那要膏騰成再憶尊
前已是夢揚州

烟江曲

烟江裂竹吹參差水天綠盡生相思扁郎赤足蹋歌去船
尾風蘆搖一枝白魚弄波不離口千珠萬珠落相藕柔絲
寸寸繞橫塘豈識郎行斷腸久郎情妾意不相同鏡裏霜
華銷古紅鴛鴦夢影照清淺流過門前西復東

留別題襟館

千里槎浮斷梗身過江還憶舊星辰三生蓬嶠無僊骨幾
處靈山有佛因浪跡未能忘勝地浮名也要託傳人日來

怪底秋懷減落木前頭一寸春

曰歸心與白雲歸野鶴誰能竟掩扉過去雪泥原了了到來香火便依依寒花得日還羞放病葉兼風又退飛不是臨歧漫惆悵窮途容易一沾衣

同人用前韻贈別復答二首

零落栖遲笑此身最參差處是良辰
虛君叢桂三秋約惜我空桑一宿因
風雨連朝偏送客雲山終古不憐人
空囊賸有青琴在流水聲中和子春

秋蕪綠盡客方歸爲憶苔岑要埽扉
病酒情裏從黯淡焚香心事共因依
蟲愁獨夜難爲響蟬戀斜陽不定飛
多謝新詩作行色仙雲裁得過江衣

舟夜

住盡山村住水涯
四更月落五更鴉
江中風浪何曾穩
天上星河竟欲斜
過眼帆檣都陣馬
驚心歲月一脩蛇
他時好約漁兄弟
范大夫船便當家

抵家

天涯何地著驂騑
落魄歸來馬少游
破篋有書防僕笑
空囊無米累親愁
田園已贖蝸雙角
富貴空爭貉一邱
只恨買山錢未辦
淚痕零落灑松楸

晚歸自西郭

社散樵蘇冷年荒
祭掃稀家題新鬼
在門認舊家非野
鶴秋方病城烏晚
更饑孤雲寥落甚
只解背人飛

山寺夜宿

秋興閒支一短筇，亂煙古樹寄疎慵。
虛堂有客驚飄瓦，破寺何人聽打鐘。
塵慮洗將千壑月，髭絲吹冷六朝松。
夜來鶴夢無尋處，知落青山第幾峯。

節近重陽風雨雜，沓離合生死黯然傷懷。

老盡閒門舊薜蘿，秋風秋雨感蹉跎。
全家別後貧兼病，獨客歸來哭當歌。
昔日親朋三徑少，中年骨肉九原多。
等閑又說登高會，手把茱萸恨若何。

時有季弟之喪

山中曉起

山風吹小樓，落葉打不已。
暗蛩猶未寢，幽鳥已先起。
延緣出窗隙，晨露泣如洗。
林光濕羅襟，石色暎芒屨。
塵心一以

曠况復泉聲裡卽此空谷音相從倘黃綺

顧晴芬藏其族祖子方墨竹一幀甚珍惜旋於行篋

失之書來索詩爲賦長句

子方名果明諸生以起義死事

顧子書來墨客歎卷裏琅玕失珍玩昔君篋底我見之畫
竹還書竹中贊森森直致凌高秋一梢狂走天爲愁得毋
落筆有餘怒作此坐傲專城侯蕭蕭寥寥海風入節節枝
枝鬼神泣一杯墨水任模糊中有貞心屈成鐵恨不手彎
后羿弓十日並射驚鴻濛不然西臺作如意山石碎到媧
皇宮滄桑極目成今古墨海銷沈竟何補野史亭空有劫
灰黨人碑斷無完土飄蕭縑素又百年破壁飛去如雲烟
卽看赤日卓向地多恐黑風吹上天嗚呼虎頭當日奇男

子身後精靈尚如此夷齊只分作殷頑孤竹心空墨胎死
君家聞有藏書樓涇陽洞陽親校讐零星手澤盡銷歇此
畫毋廼同山邱夜臺相望愚公谷醉魄騷魂一時哭勸君
勿聽鷓鴣啼裂盡湘天萬竿竹

養園舅氏訃至自都下

噩夢傳吳下遺書自日邊死生判此夕舅氏繼娶卽懸弧辰也婚嫁
慟何年骨肉拋三地心肝奉九天驚魂烽火後辛苦卽

長眠

憶我遊燕日當公入楚時生還玉關識死別渭陽詩宦海
無歸路官齋有去思流離須自保泣語彥昇兒

重過淨土寺

清鐘喚客入脩林手撥雲蘿一逕深
畫裡碧山曾過眼門前綠樹已空心
高僧都化影留石野鶴不歸風在琴
欲覓舊時題句處亂苔如髮壞墻陰

雪中獨遊顧龍山

一雪積太古寺門無點塵山閒常住佛
泉冷不宜人片石有龍氣長松如鶴身
虛堂清絕處鐘磬悟前因

尚綱堂詩集卷二十七終

尙絅堂詩集卷二十八

陽湖 劉嗣綰 醇甫

吳船集上 庚申

扁舟江渚來往如梭叩舷之歌迄無和者

正月十六夜鳩茲歸舟遇雪

一夜孤篷雪真成片席看樓臺如海上燈火落江千酒力
攻愁薄水聲戛夢寒幾家茅屋底兒女話團圓

晚過九峯禪院

白雲如絮擁山睡點點驚禽墮寒翠遠天十里不逢人手
折梅花倚篷背湖風騷屑吹船唇王恭倒著白氍毹芒屨
日莫不歸去攜筇走訪山中春疎鐘泠泠隱岩岫一粟青

鐙小於豆十年不扣故山扉
山鬼驚看各奇瘦
虛堂夜警鶴不眠
幾枝石竹搖寒烟
雙趺對坐佛無語
禪夢低徊下花雨

雪中夜抵閬門

仙家樓閣總茫然
小結吳閭一宿緣
鐘出寒山僧入定
鶴過香海夢孤圓
江湖漫唱思歸曲
風雪還餘未泊船
擬覓城南沽酒路
先生草履已雙穿

舟中見殘梅

誰家籬落外猶賸一枝梅
野逕依樵轉荒扉
背鶴開吹香尋夢去
美水學仙來
招得船頭月
清宵共酒杯

春日遊靈岩天平諸山

籃輿穿破春山曉，令翠衣裳接飛鳥。諸天盤盤高入雲，一
百八聲鐘不了。是時雪霽天爲容，絕壑倒走千虬松。輕烟
浮動若波起，鋪出黃海雲重重。朝陽東昇夕陽下，世上光
陰此間乍縈青。繚白好畫圖，中有樓居衆仙亞。昔遊茲山
髻未蒼，山靈回首成蒼茫。梧宮風景等閒耳，何況梓澤平
泉莊。生前華屋同歸路，終古愁人白楊樹。萬笏爭傳故相
墳，一筇自哭尙書墓。謂弇山先生

木瀆

香涇香不已，小住意如何。一寺古明月，地有明月寺雙橋新淥
波。閒情洗羅綺，餘夢落烟蓑。十七年前客重來，發櫂歌

遊汪氏園

續村纔得路園小不須名石古曾眠鶴闌空尙坐鶯聲蘿
疑夙世指樹了無生所惜歸途晚商量鴈展行

將赴維揚留別故園兄弟

春光盡處草芊綿未抵池塘半晌眠遊子家山如夢裡酒
人涕淚各尊前桃花入水都成恨柳絮隨風漫放顛真個
淮南有雞犬過江便擬覓神仙

一昔

一昔蕪城夢孤舟病雨時酒深燈易盡寒重枕先知明月
瓊花觀東風繡女祠隔江離恨在烟柳總成絲

紫竹山房聽王山人仕柏彈琴

綠雲英英垂髻鬟春山晝睡雙扉關蘭風裊斷篆烟細竹

雨飛破苔文斑王郎靜者妙琴理來向空庭橫綠綺泠泠
仙韻十指傳絃外餘音飄不已一聲欸乃入水雲柔櫓彷彿
空中聞高山迢迢翳林木似有幽人卧虛壑此時四座
各悄然欲午不午庭陰圓汪郎迂聽罷忽神往別撫冰絃
作哀響秋江一闕起迴風江上離心似潮長惜別情懷我
慣經明朝一雁下遙汀煩君更奏平沙曲坐掩孤篷細細
聽

春江詞

春江作春酒妾自與郎壓要郎歌拍聽但唱綠頭鴨

同人約湖上看芍藥作

揚州繞郭開藥田紅雲燒暖瓊花天東風吹出滿城袖美

人蝴蝶同翩翩。霞百幅裁成障。十步看花九惆悵。折得花枝手亂招。相逢憶在諸天上。朱顏漸改傷客心。幾年枉住豐臺陰。故園買斷好春色。一夢又向天涯尋。鶯花海底愁都滿。藍尾拖春春已短。二分明月一分春。明日東風付誰管。花前太息怕花聞。花氣撩人且自醺。朝來繡出鴛鴦被。歸去舟中擁鄂君。

晚泊虹橋

春江一綠何迢迢。柳絲搖曳吳船梢。將船撐入鏡中住。恰如天上看虹橋。紅欄鬪鴨家家樹。兩岸春人影如畫。水邊半是芍藥圍。手折花枝滿船亞。花枝浣酒衣。上彈中有歌者。垂雙鬟。歌喉一串裊空去。十里五里鷺間關。遊絲落絮

聲鳴咽學琵琶

賓谷丈屬題攝山圖卽用其和江總持遊攝山詩原韻

江上山盤盤茲山自梁肇山祖開山時千佛力微渺韜光
彌有蘊積氣不知表江迴地脉遠月出石腹小巖虛行藥
多逕古閱樵少交藤互冬春走葉亂昏曉路轉步猶緬潭
空心愈皎佇公此縱遊招手屬猿鳥霞高紛合沓烟倦別
腰裊樓神後恐迷抗志前倘矯笑展朗詮圖從之謝塵擾
雨後汎舟平山堂有作

剪取湖光破暝行瓜皮艇小晚涼生綠雲化作泠泠水一
路蟬聲唱出城

茨菇葉瘦荻芽肥野鷺閒鷗各自飛不辨湖光誰裏外船
頭顛倒水田衣

十畝蓮塘似若邪弄珠合借水爲家湘娥忽倚湖天笑不
見朝霞與暮霞

費盡秋山翠一螺閒情拋與水雲窩微波館裏波如畫著
得驚鴻影幾多

湖水湖烟迥不流載將秋思上歸舟濕螢亂落如紅雨中
有雷塘一點愁

詠浣

浣紗溪畔石湔裙水上波出手釵光亂迴身帶影挨唾憐
新綠淨痕惜退紅多鴛鴦不相顧雨雨下風荷

詠汲

梧桐妻以黃出汲就銀床水底鉛華色風前椎髻粧曉寒
應手凍多露爲身防縱然成古井妾是鹿盧腸

詠懼女

郎心逐蓬轉妾身隨槩搖艷情憐逝水清歌貪上潮照日
驚蓬影迴風怯柳腰春江渾不定只自蕩輕橈

詠縫裳

鴛鴦停舊譜烏鵲乞神鍼故線條條記殘絨點點尋添行
持密意減樣約初心要卽身熨貼著指爲沈吟

重宿徐氏之桐花舫示金葉山倪米樓並柬主人承

伯昆仲

暝色林塘碧可憐凭闌恰好雨餘天桐花舫裏桐花鳳不
聽清聲已五年

閒展山屏眺翠微薄寒一翦上生衣小樓昨夜得秋早風
葉已成黃蝶飛

宿酒幾曾三日醒醒來不道卧空庭竹梢搖過短牆去直
向對山樓上青

高山流水賞來難拉得汪郎古靜夜彈彈到海天愁絕處
世閒還有董庭蘭

消得閑情賣得癡晴窗要度小年時黃筌舊譜天然畫白
石新聲絕妙詞

梅子青青杏子黃江南春去謝家塘無人識得文園渴白

寫來禽帖數行

休園

休園隨意到到卽欲三休竹色綠成塢蘋香吹上樓林鴉
無好語野鶴有清修揀個空亭好商量踢月遊

題汪古迂孤雲野鶴圖

山中一茆屋人與鶴平分風竹短長調霜苔今古文於茲
參畫理獨徃有夫君更欲停琴賞蕭然汪水雲

寶谷丈向唐陶山明府乞虎邱枯桐斲琴紀以詩

柯竹怨靜夜壓桑思盛年孤生易爲感所貴還其天鬱鬱
虎邱山枯桐植其間榮落百不顧肯受旁人憐昨者使君
來撫桐忽流連使君語桐君謂爾貞且堅以茲材不材當

令匠石全申之白石盟期以朱絲絃裁書賢令尹雅抱相
纏綿桐君謝使君三歎使君前昔日照古井茲時聽流泉
使君固獨賞古意請同宣願得登明堂一奏使君篇不獨
賢使君令尹亦誠賢懷哉琴與鶴客秋陳古華太守自邢
上攜鶴歸寄陶山官舍

同人爲賦
寓鶴篇

永佇清風延

飲胡眉峯寓齋卽送其還吳門並題圖後

臨歧爲爾一酸辛夢裡家山病裡身樂府怕聽將進酒畫
圖還對未歸人老將姓字傳湖海窮覺文章有鬼神撿點
滄浪亭下屋烟蓑雨笠結比鄰

書陳定生秋園雜佩後卽示季馴

秋園一卷當陽秋老去青門話故侯却笑世人矜俗豔桃

花扇底說風流

鄰笛山陽聽易孤閒留史筆在葫蘆一編舊話憑收拾抵

得雲林十萬圖

定生舊藏雲林萬壑爭流萬松擁翠等十圖稱雲林十萬圖

離心

離心飛上水雲堆垂柳陰中晝漿開到底不知情盡處一
橋纔過一橋來

春船曲

郎如春山入船宿四面看郎看不足妾如春月走繞船流
輝夜夜郎邊圓櫓聲搖空出烟底一剪橫波碧於水朝來
見妾不見郎柳絲蕩得吳天長

尚絅堂詩集卷二十八終

尙絅堂詩集卷二十九

陽湖 劉嗣綰 醇甫

吳船集下

庚申

金閨客興

一櫂烟江喚渡來
瀟瀟暮雨唱蘇臺
人如風柳時三起
酒似春潮日兩回
桐帽欹斜行自整
荷衣破碎不堪裁
欲尋魯望消清興
重把叢書笠澤開

代贈

霧裡尋花眼忽明
天涯得見舊雲英
兩枝槩送雙飛燕
三疊歌來百轉鶯
錦瑟人看長幾日
洞簫我願謚今生
最憐江管全枯後
宮體重題側艷成

爲萬廉山題終軍請纓圖

圖係廉山十四歲時屬羅山人聘作

終軍能軍以軍名從軍終古稱終生生年十八關中行棄
襦走請長冠纓手羈南越朝西京生氣凜凜人中英是何
年少圖軍形後軍乃奪軍先聲楚氛昨者連湘衡君也投
筆行間驚窮荒六月旌旗明地入深黑天孤青君時草檄
溪堂營燭牖如紙隨風輕上馬下馬何縱橫欃槍直掃烽
烟平一官吹墮來江城吳鉤日夜腰間鳴手屈寸鐵能銷
兵買牛買犢民歸咩嗟嗟萬子人中英從軍不獨誇終生
廉山邀聽宛蘭彈琵琶

天半行雲夢不回花枝還照舊樓臺蘇州刺史江州客聽
到涼州入破來

金撥銅絃續續彈尊前不那雙鬟柔腸斷到無尋處又
繞冰車出散關

顧影尋聲各自憐回身還語藥珠仙自從小謫紅塵後不
聽雲璈又幾年

蓮花池舟中作

最勾留處是蘭橈七里塘西苑轉橋桃葉來時歌在水荷
花生日酒如潮鶯窺扇底能驚艷鴈踢箏前儘放嬌只恐
湖風吹綠縐留仙不住畫帶飄

哭馬雲題

風人偏命薄天意欲如何官冷名心少交貧俠骨多古歡
留笛步餘夢落琴河

雲題去秋
來鐸虞山

我亦傷華髮西風對逝波

得稚存丈入關信却寄

一紙音書笑絕纓玉關鞭影是歸程龍鱗已恕孤臣死馬
角終邀絕塞生宣室召回無吏事夜郎謫後有仙名朝來
好濯江邊足天上銀河正洗兵

寄潤軒舅氏陝中

遷官原不羨通津鞭色看隨隴樹新渭水祇今懷舅氏秦
雲終古似行人敢因盤錯留餘力須爲賢勞惜此身茲去
從軍應較樂邊關早晚淨烽塵

夜過三埕蕩

埕影不知處烟帆中夜過風鐙搖夢遠水枕得秋多孤鶴
一聲笛老漁三尺蓑推篷卽牛斗還道隔天河

湖灣采菱詞

慢雨疎烟一水鄉采菱歌好出橫塘菱枝百尺渾無力
得秋情爾許長

送郎歸去裏湖陰祗隔烟波沒處尋菱角太尖菱葉薄生
來的的似郎心

湖天日日弄風潮采得菱花上短橈要與何人當圓鏡自
家菱角不曾消

重過季馴雪鴻小築兼得叔魯隨侍入關之信

一肩行李到江城藥裏詩囊太瘦生地是雪鴻還舊爪客
如秋燕總離程窮來意氣難諧俗老去詞章怕近名底事
孤桐心未死虛檐夜夜落風聲

萬里書來一鴈遲故人剛及入關時烏頭縱白巢何在綠
鬢都蒼恨可知花月關情狂杜牧江湖作達舊袁絲而今
回首渾如夢十載風流徧謝池

摸秋詞

鳩茲風俗女伴於秋夜出遊各於瓜田間摘瓜歸
爲宜男兆名曰摸秋

秋瓜滿田夜出遊家家女兒來摸秋門前一碧秋如洗瓜
田爭納美人履一瓜摘得牽蔓遲女兒得瓜如得兒抱瓜
深深恐瓜墮眼見瓜圓瓜易破瓜甜瓜苦妾心嘗記妾瓜
期初嫁郎回身語郎行且止朝來黑白看瓜子

湖上偶題

浪說狂名到紫微
鏡湖客夢一年稀
風情深淺題團扇
世事炎涼問故衣
顚顚春蠶空宛宛
伶伶秋蝶尙飛飛
柳烟蘋雨渾無賴
吹上誰家白板扉

同人邀蹋月不果

潦倒南樓酒一尊
世間無奈此黃昏
閒尋舊夢常移榻
爲怕新寒不出門
花到將離都是淚
月逢乍缺最銷魂
年來滋味渾嘗徧
只合從君倒枕論

效陳迦陵惆悵詞爲雪衣作

藥烟日坐小樓熏
無復衣香借令君
忽地眼明書一卷
窻前吹落硯池雲

秋來鶴骨不勝寒
病起空庭綠正圓
多謝一枝新竹影
朝

朝搖與隔牆看

雲窗曲折不分明
合佳人間太俊
生聽到讀書聲
了了滿園雛鳳與雛鶯

官商盡日費推敲
自拍檀痕不用教
要與雲仙通一語
綵

鸞韻本借伊鈔

盟手薔薇百和湯
愛儂詩似愛名香
背人偷唱燒香曲
裊

出爐烟一寸腸

余舊有燒香曲

虹橋船裏雨纖纖
不隔花香只隔簾
依約嬌郎癡坐處
有

人愁在小眉尖

家近蘇州七里塘
自拋鏡子照鴛鴦
斑駁記得門前住
曳

雪牽雲爲陸郎

女兒箱子下江干排著輕裝等暮寒紅柿詩箋青李帖一
齊收拾與儂看

分身曾入洗桐圖

金山人葉山爲寫洗桐軒圖

不道庭前路易蕪袖上

墨痕襟上酒思量一味總模糊

維摩榻畔夜燈青蘸得楊枝水滿瓶一炷心香親下拜可

能替誦淨名經

寫風寫水著衣裳懶逐遊絲照曲塘瘦到秋蘭秋也老隔

簾誰護晚來霜

衫痕扇影送流年不是吳儂易放顛生悔藕絲鄉裏住風

風雨雨摠纏綿

酒面重開且一傾銀河不道起離情檐前恠底秋桐泣昨

夜琴中是尾聲

將由中江歸里書南樓壁

繞壁巡廊徧姓名三年曾此坐詩城
鐙殘窗下餘書味塵落梁間有曲聲
一別也知如小死再來難定是今生
淚痕併作江天雨直到吳頭不肯晴

過高淳

衰柳絲絲雨脚懸天涯風景最悽然
湖村蝦菜無多味盡在龐家上冢船

癡黃顛米舊名家

謂亡友顧芋莊

曾向楓林一駐車不道重來成

隔世遠天如墨上昏鴉

抵家後有浙西之行

信宿此行役惘然離恨天江湖餘短日風雪伴長年攬鏡
嫌雙鬢攜囊愧一肩故園兄弟夢飄泊又鷗邊

秦小峴廉使調任楚南感舊述懷得詩五首

停雲結車蓋照此西湖陰下有清風來洒然淮海襟書籤
雜畫戟官閣何蕭森居官有本原清白貽之箴頌聲不在
遠但聽興者吟述德良已淺飫德斯爲深駕言出錢塘江
水盟公心

揚旌奉 恩命命指衡南畿茲邦隸羣苗風俗積已疲使
者有新政善後酌所宜公行出春陵倘復聞啼饑訐謨貴
入告誠在誠勿欺 皇心宵旰勞念切斯民依邪氛久不
靖要恃正氣支功過或自徇威德安能持願申禹稷懷豈

獨區區私

輜軒采國風勤求在治體文章與政事所貴得條理公詩
特餘業正始力能擬歛華方就實經史乃根柢清詞導其
源餘波不成靡邇來文士習狂瀾肆無底白雪和者希請
先屏下里

吾鄉蘊大儒往者媿鄒魯沿流及文學盟主亦晉楚風微
日云沫師友道以苦斷碑沒榛莽况復芝蘭譜客久歸故
山山空浩已古微抱良不任長吟廼梁父

饑驅迫終歲栖遲常道周空囊歸拜母何以解母憂母憂
良亦苦戒我毋營求自立苟已堅安敢嗟沈浮鼓志期後
獲鞭心最前脩所愧酬知私涕淚時交流濡豪述公德請

附驪駒謳

小峴先生見示詩文集復成二絕題後并以志別

碧山社後此宗工宦興詩情淡宕中大好西湖作行卷與
他蘇白當屏風

日對清光寫楚詞舟人指點好尋詩望衡面面帆能轉只
要商量到岸時

自錢塘至桐廬舟中雜詩

柔櫓伊啞響幾枝寄書付與弄潮兒何當乞得江神便二
日潮回十二時

推蓬樹色四青蒼分得烟雲滿客囊遲我富春遊幾日不
留紅葉作輕裘

惲子風流令亦仙家傳三絕小南田官齋一掬清冷水流

出寒江又幾年

懷富陽舊令惲子居

一折青山一扇屏一灣碧水一條琴無聲詩與有聲盡須
在桐廬江上尋

估客船中習未除開窗一卷計然書寒魚銜盡鷺絲立如
此蕭閒如不如

不厭風來是石尤人家暝色在高樓天邊牛女相看笑古
木橫槎上婺州

嚴灘口號

昨夜錢塘江上潮潮頭一路傍蘭橈分明萬古英雄恨流
到嚴灘也自消

閱盡風波是釣臺波心風定一帆開灘高灘下都隨分只
愛灘聲入夢來

桐廬曉起

風帆影向亂灘分癡坐船頭思若雲手掬一江寒綠色朝
來洗眼看桐君

十二月八日晚過蘭谿

蘭谿谿似縠一綠上寒衣水鳥已同宿風帆還獨飛僊鄉
須得酒佛日不知饑欲共漁家樂長吟坐釣磯

抵婺州

風船是蘿蒿

小舟名

蓬響學松聲一水長橋斷孤烟破寺橫

流民嗟雁遠蕩子狎鷗輕爲語司民牧春疇好勸耕

永福寺

禪心無定日一壙與雲行日落有空響鐘寒非世情僧顏
如石瘦客夢爲泉清莫問山門主歸鴉自送迎

雲居篇爲吳旃園賦

富春昨落潮頭逢紅葉脫盡千山空却來洞天十日住三
尺寒筇向空挂吳郎示我雲居圖潑眼一片秋模糊道人
工琴客工畫貌出雲居與雲化雲居山色接吳山君家山
合君往還君言君家乃圓泖當日風帆我吹飽風帆別此
又十年君亦久客雲居天他年訪君九峰頂紅葉燒丹作
丹井

倚紅堂詩集卷二十九終